

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Broj: 01-05-4-2065-2 /17

Datum: 10.10.2017. godine

Z A P I S N I K

**SA 11. SJEDNICE OPĆINSKOG VIJEĆA TEŠANJ, ODRŽANE
DANA 29.09.2017. GODINE (petak), S POČETKOM U 14,00 SATI,
U SALI OPĆINSKOG VIJEĆA TEŠANJ**

Sjednici prisustvovala 25 vijećnika.

Vijećnik Deljković Nermin prisutan od 14,15 sati, vijećnik Kotorić Esmir prisutan od 14,17 sati.

Sjednici prisustvovali: Općinski načelnik Suad Huskić sa saradnicima.

SREDSTVA JAVNOG INFORMISANJA:

Predstavnici TV "Smart".

Elektronsko glasanje, vremensko praćenje diskusija i zapisnik vodi Sajda Klepić.

Sjednicom predsjedava predsjedavajući Vijeća g-din Senad N. Subašić.

Nakon prijave vijećnika, Predsjedavajući Vijeća je konstatovao da današnjoj sjednici Vijeća prisustvuje 23 vijećnika, čime su se stekli uslovi za punovažno odlučivanje, otvorio 11. sjednicu Vijeća i proglasio je javnom, te u ime Vijeća i u svoje lično ime pozdravio prisutne goste i predstavnike medija.

Prije prelaska na predtačku dnevnog reda Predsjedavajući Vijeća je prisutne vijećnike obavijestio da je dana 03.10.2017.godine s početkom od 14,00 sati planirana radionica sa predstavnicom MEG projekta.

Ad. A

Općinsko vijeće je sa 19 glasova "ZA", bez glasova "PROTIV" i 4 glasa "UZDRŽAN" usvojilo sljedeći

ZAKLJUČAK

Usvaja se Zapisnik sa 10. sjednice Općinskog vijeća Tešanj.

Dnevni red

U Sazivu 11.sjednice Općinskog vijeća bio je predložen sljedeći dnevni red:

1. Prijedlog Odluke o usvajanju Regulacionog plana Glinište,
2. Prijedlog Odluke o donošenju Programa razvoja zaštite i spašavanja za period 2017.- 2021.godina,
3. Prijedlog Odluke o stipendiranju redovnih studenata dodiplomskog stipendija (prvog ciklusa) u akademskoj 2017/2018. godini,
4. Prijedlog Odluke o izmjenama i dopunama Odluke o općinskim administrativnim taksama i naknadama,
5. Nacrt – Izmjene i dopune Urbanističkog projekta „Tešanj-centar“,
6. Prijedlog Rješenja o konačnom imenovanju predsjednika i članova Upravnog odbora JU Centar za kulturu i obrazovanje Tešanj,
7. Prijedlog Rješenja o konačnom imenovanju predsjednika i članova Upravnog odbora JU Opća Biblioteka Tešanj,
8. Prijedlog Rješenja o imenovanju Komisije za promet nekretnina,
9. Informacija o ostvarivanju prava pripadnika boračkih populacija putem Službe za boračko-invalidsku zaštitu

10. Informacija o završetku školske 2016/2017. godine i upisu učenika u školsku 2017/2018. godinu u osnovnim i srednjim školama na području općine Tešanj.

Uz materijale koji su bili na dnevnom redu vijećnicima je dostavljeno i sljedeće:

- Prijedlog Odluke kojom se odobrava, radi izgradnja trafo stanice, prodaja zemljišta u vlasništvu Općine Tešanj,
- Prijedlog Odluke o o izmjeni i dopuni RP "Poslovna zona Bukva",
- Nacrt Odluke o zaštiti izvorišta vode za piće Mekiški potok i Trebačka rijeka na području općine Tešanj i
- Informacija o realizaciji odluka, rješenja i zaključaka Općinskog vijeća za period od 30.06. do 22.09.2017.godine.

Predsjedavajući vijeća je konstatovao da je na sastanku Kolegija koji je održan pred početak sjednice usvojen Prijedlog za izmjenu i dopunu Saziva za 11. Sjednicu Općinskog vijeća.

Nakon toga, bez diskusije, Općinsko vijeće je jednoglasno sa 25 glasova "ZA", bez glasova "PROTIV" i "UZDRŽAN" usvojilo sljedeći

DNEVNI RED

1. Prijedlog Odluke o usvajanju i provođenju Zoning plana „Poslovna zona Glinište“,
2. Prijedlog Odluke o donošenju Programa razvoja zaštite i spašavanja za period 2017.- 2021.godina,
3. Prijedlog Odluke o stipendiranju redovnih studenata dodiplomskog studija (prvog ciklusa) u akademskoj 2017/2018. godini,
4. Prijedlog Odluke o izmjenama i dopunama Odluke o općinskim administrativnim taksama i naknadama,
5. Nacrt – Izmjene i dopune Urbanističkog projekta „Tešanj-centar“,
6. Zaključak o davanju saglasnosti na potpisivanje protokola - most Lejle Mulalić Jelah,
7. Prijedlog Rješenja o konačnom imenovanju predsjednika i članova Upravnog odbora JU Centar za kulturu i obrazovanje Tešanj,
8. Prijedlog Rješenja o konačnom imenovanju predsjednika i članova Upravnog odbora JU Opća Biblioteka Tešanj,
9. Prijedlog Zaključka o produženju mandata Komisiji za procjenu vrijednosti nekretnina u prometu,
10. Informacija o ostvarivanju prava pripadnika boračkih populacija putem Službe za boračko-invalidsku zaštitu
11. Informacija o završetku školske 2016/2017. godine i upisu učenika u školsku 2017/2018. godinu u osnovnim i srednjim školama na području općine Tešanj,
12. Prijedlog Odluke kojom se odobrava, radi izgradnja trafo stanice, prodaja zemljišta u vlasništvu Općine Tešanj,
13. Prijedlog Odluke o o izmjeni i dopuni RP "Poslovna zona Bukva".

Ad. 1

Pomoćnik Načelnika Medarić Nadir i predstavnici "IG" Banjaluka su uz prezentaciju dodatno obrazložili Prijedlog Odluke o usvajanju i provođenju Zoning plana „Poslovna zona Glinište“.

U raspravi učestvovao vijećnik Pašić Danijel i Općinski načelnik.

Općinsko vijeće je sa 24 glasa "ZA", 1 glasom PROTIV" i bez glasova "UZDRŽAN" usvojilo sljedeći

ZAKLJUČAK

Usvaja se Prijedlog Odluke o usvajanju i provođenju Zoning plana „Poslovna zona Glinište“,

Ad. 2

Pomoćnik Načelnika Saletović Mensur je dodatno obrazložio Prijedlog Odluke o donošenju Programa razvoja zaštite i spašavanja za period 2017.- 2021.godina.

Bez rasprave, Općinsko vijeće je sa 24 glasa "ZA", 1 glasom "PROTIV" bez glasova "UZDRŽAN" usvojilo sljedeći

ZAKLJUČAK

Usvaja se Prijedlog Odluke o donošenju Programa razvoja zaštite i spašavanja za period 2017.- 2021.godina.

Ad. 3

Pomoćnik Načelnika Muslija Azra je dodatno obrazložila Prijedlog Odluke o stipendiranju redovnih studenata dodiplomskog studija (prvog ciklusa) u akademskoj 2017/2018. godini.

Na ovaj prijedlog Klub vijećnika SDA je uložio Amandman.

U raspravi učestvovali vijećnici: Kurtić Amir, Piro Amir, Jupić Mirano, Alić Hajrudin, Kaser Vedran, Subašić Senad, Alić Munevera, Huskić Kasim, Hrnjić Muris i Općinski načelnik.

Pauza u radu Vijeća trajala od 15,02 do 15,25 sati.

Općinsko vijeće je jednoglasno sa 23 glasova "ZA", bez glasova "PROTIV" i 2 glasa "UZDRŽAN" usvojilo sljedeći

ZAKLJUČAK

Prihvata se Amandman Kluba vijećnika SDA koji glasi: „U tački 3. Prijedlog Odluke o stipendiranju redovnih studenata dodiplomskog studija (prvog ciklusa) u akademskoj 2017/2018. godini, briše se stav 2 u članu 2 i član 2 glasi: Odlukom o stipendiranju redovnih studenata dodiplomskog studija (prvog ciklusa) za akademsku 2017/2018. godinu, stiče se osnov za raspisivanje konkursa, tako da se dodijeli mogući broj studentskih stipendija do iznosa obezbijedenih sredstava.“

Na prijedlog Kluba vijećnika SDA, Općinsko vijeće je jednoglasno sa 25 glasova "ZA", bez glasova "PROTIV" i "UZDRŽAN" usvojilo sljedeći

ZAKLJUČAK

Općina Tešanj neće stipendirati studente 1. godine za zvanja profesor bosanskog jezika, profesor razredne nastave i profesor tjelesnog odgoja, diplomirani pravnik i ekonomista općeg smjera u školskoj 2018/2019. godini.

Općinsko vijeće je jednoglasno sa 25 glasova "ZA", bez glasova "PROTIV" i "UZDRŽAN" usvojilo sljedeći

ZAKLJUČAK

Usvaja se Prijedlog Odluke o stipendiranju redovnih studenata dodiplomskog studija (prvog ciklusa) u akademskoj 2017/2018. godini

Ad.4

Pomoćnik Načelnika Omerbašić Sabahudin je dodatno obrazložio Prijedlog Odluke o izmjenama i dopunama Odluke o općinskim administrativnim taksama i naknadama.

U raspravi učestvovali vijećnici Hrnjić Muris, Kurtić Amir, Alić Hajrudin i Općinski načelnik..

Općinsko vijeće je jednoglasno sa 25 glasova "ZA", bez glasova "PROTIV" i "UZDRŽAN" usvojilo sljedeći

ZAKLJUČAK

Usvaja se Prijedlog Odluke o izmjenama i dopunama Odluke o općinskim administrativnim taksama i naknadama.

Ad. 5

Pomoćnik Načelnika i predstavnica "IPSA" Sarajevo uz prezentaciju dodatno obrazložili Nacrt – Izmjene i dopune Urbanističkog projekta „Tešanj-centar“.

U raspravi učestvovali vijećnici: Alić Munevera, Kurtić Amir, Hodžić Enes, Hrnjić Muris i Općinski načelnik.

Općinsko vijeće je sa 22 glasa "ZA", bez glasova "PROTIV" i 2 glasa "UZDRŽAN", usvojilo sljedeći

ZAKLJUČAK

Usvaja se Nacrt – Izmjene i dopune Urbanističkog projekta „Tešanj-centar“ i upućuje na javnu raspravu.

Ad. 6

Općinski načelnik je dodatno obrazložio Prijedlog Zaključka o davanju saglasnosti na potpisivanje protokola - most Lejle Mulalić Jelah.

U raspravi učestvovali vijećnici: Subašić Senad, Kaser Vedran, Solo Fahir i Hrnjić Muris.

Općinsko vijeće je jednoglasno sa 25 glasova "ZA", bez glasova "PROTIV" i "UZDRŽAN", usvojilo sljedeći

ZAKLJUČAK

Usvaja se Prijedlog Zaključka o davanju saglasnosti na potpisivanje protokola - most Lejle Mulalić Jelah, koji glasi: „Daje se saglasnost Općinskom načelniku da sa Kantonalnom direkcijom za ceste ZE-DO kantona / Vladom ZE-DO kantona izvrši potpisivanje protokola o zajedničkom ulaganju u realizaciji projekta izgradnje novog mosta "Lejle Mulalić" preko rijeke Usore na Regionalnoj cesti R-474 u naselju Jelah, u visini od 200.000,00 KM općinskog učešća.“

Ad. 7

Pomoćnik Načelnika Muslija Azra dodatno pojasnila Prijedlog Rješenja o konačnom imenovanju predsjednika i članova Upravnog odbora JU Centar za kulturu i obrazovanje Tešanj i Prijedlog Rješenja o konačnom imenovanju predsjednika i članova Upravnog odbora JU Opća Biblioteka Tešanj.

U raspravi učestvovali vijećnici: Alić Munevera, Deljković Nermin, Kurtić Amir, Kaser Vedran, Alić Hajrudin, Solo Fahir i Općinski načelnik.

Općinsko vijeće je sa 17 glasova "ZA", 8 glasova "PROTIV", bez glasova "UZDRŽAN" usvojilo sljedeći

ZAKLJUČAK

Usvaja Prijedlog Rješenja o konačnom imenovanju predsjednika i članova Upravnog odbora JU Centar za kulturu i obrazovanje Tešanj.

Ad. 8

Općinsko vijeće je sa 17 glasova "ZA", 8 glasova "PROTIV" bez glasova "UZDRŽAN" usvojilo sljedeći

ZAKLJUČAK

Usvaja se Prijedlog Rješenja o konačnom imenovanju predsjednika i članova Upravnog odbora JU Opća Biblioteka Tešanj.

Ad. 9

Bez rasprave, Općinsko vijeće je sa 17 glasova "ZA", 4 glasa "PROTIV" i 4 glasa "UZDRŽAN" usvojilo sljedeći

ZAKLJUČAK

Usvaja se Prijedlog Zaključka o produženju mandata Komisiji za procjenu vrijednosti nekretnina u prometu, koji glasi: „I. Produžava se mandat za 45 dana Komisiji za procjenu vrijednosti nekretnina u prometu koju je Općinsko vijeće Tešanj imenovalo rješenjem broj 01-34-6-1755-2/15 od 14.9.2015. godine („Službeni glasnik Općine Tešanj“ broj 7/15). II. Ovaj Zaključak primjenjuje se narednog dana od dana objavljivanja u “Službenom glasniku Općine Tešanj”.“

Vijećnik Alić Hajrudin napustio sjednicu u 16,40 sati.

Ad. 10

Pomoćnik Načelnika Omerbašić Sabahudin dodatno obrazložio Informaciju o ostvarivanju prava pripadnika boračkih populacija putem Službe za boračko-invalidsku zaštitu

O Informaciji diskutovao vijećnik Huskić Kasim.

Općinsko vijeće je sa 20 glasova "ZA", bez glasova "PROTIV" i "UZDRŽAN" usvojilo sljedeći

ZAKLJUČAK

Prima se na znanje Informacija o ostvarivanju prava pripadnika boračkih populacija putem Službe za boračko-invalidsku zaštitu.

Ad. 11

U raspravi o Informaciji o završetku školske 2016/2017. godine i upisu učenika u školsku 2017/2018. godinu u osnovnim i srednjim školama na području općine Tešanj učestvovali vijećnici: Piro Amir i Hasanbašić Senad.

Općinsko vijeće je sa 23 glasa "ZA", bez glasova "PROTIV" i "UZDRŽAN" usvojilo sljedeći

ZAKLJUČAK

Prima se na znanje Informacija o završetku školske 2016/2017. godine i upisu učenika u školsku 2017/2018. godinu u osnovnim i srednjim školama na području općine Tešanj

Ad. 12

Bez rasprave, Općinsko vijeće je sa 23 glasa "ZA", bez glasova "PROTIV" i "UZDRŽAN" usvojilo sljedeći

ZAKLJUČAK

Usvaja se Prijedlog Odluke kojom se odobrava, radi izgradnja trafo stanice, prodaja zemljišta u vlasništvu Općine Tešanj.

Ad. 13

Bez rasprave, Općinsko vijeće je sa 23 glasa "ZA", bez glasova "PROTIV" i "UZDRŽAN" usvojilo sljedeći

ZAKLJUČAK

Usvaja se Prijedlog Odluke kojom se odobrava, radi izgradnja trafo stanice, prodaja zemljišta u vlasništvu Općine Tešanj.

Vijećnik Jupić Mirano napustio sjednicu u 16,58 sati.

Ad.B

VIJEĆNIČKE INICIJATIVE

Vijećnica Alić Munevera se izjasnila da nije zadovoljna odgovorom na vijećničku inicijativu: „za izgradnju na području Općine Tešanj, spomen obilježja genocida, počinjenog u Bosni i Hercegovini.“

U raspravi o inicijativi učestvovali vijećnici: Subašić Senad, Huskić Kasim, Hasanbašić Senad, Kurtić Amir i Općinski načelnik. Nakon toga, Općinsko vijeće sa 6 glasova „ZA 1 glasom „PROTIV“ i 14 glasova „UZDRŽAN“ nije prihvatilo inicijativu vijećnice Alić Munevere.

Vijećnik Deljković Nermin je postavio je sljedeće vijećničke inicijative:

- 1.1. Preporučuje se općinskom načelniku da putem svojih saradnika i službi odmah intenzivira rad građevinske i komunalne inspekcije Općine Tešanj na izvršavanju svojih zakonom propisanih obaveza, a s ciljem osiguranja uslova za bezbjedno odvijanje saobraćaja.
- 1.2. Preporučuje se Načelniku Općine Tešanj da u okviru svojih nadležnosti, višim nivoima vlasti (Kantona i Federacije) uputi zahtjev za intenziviranje rada nadležnih inspekcija s ciljem izvršavanja Zakonom utvrđenih obaveza, a s ciljem osiguranja bezbjednog odvijanja saobraćaja i zaštite života i imovine.
- 1.3. Obavezuje se nadležna služba Općine Tešanj da osmisli pogodan propagandni i informativni plakat na kojem bi bile ispisane zakonske obaveze građana i pravnih lica u vezi sa zaštitom i čuvanjem saobraćajnica i saobraćajnih znakova i upozorene građanima na propisane sankcije, a sve radi edukacije i preventive prije pristupanja sankcionisanju i prekršajnom ili krivičnom gonjenju.
2. „O izmjeni/dopuni Odluke o komunalnom redu na području općine Tešanj kojom će se urediti parkiranje automobila na privatnim posjedima, naročito u strogom centru grada i na području koje podliježe taksi za urbano-građevinsko zemljište Tešanj, Jelah i Tešanjka.“
3. „Za renoviranje šahta u MZ Vukovo na regionalnom putu Šeher – Prnjavor.“
4. „Za donošenje hitnih mjera, prema svim školskim ustanovama na prostoru općine Tešanj, a vezano za temu korištenja savremenih oblika medija, tačnije internet, od strane naših najmlađih sugrađana i školaraca koji nisu svjesni u kojoj mjeri sebi mijenjaju život kada se iz ko zna kojeg razloga odluče na maloljetničku delikvenciju u vidu pravljenja videozapisa gdje se snimaju među sobom ili lično sebe i potom dijele putem savremenih oblika komunikacije – putem interneta. Svaki vid ovakvog ponašanja se na kraju okarakterise kao krivično djelo, a zatim se školarci kojima se ovo dešava povlače u sebe i onemogućuju pristup, kao roditeljima, tako i svim svojim prijateljima, a u najvećem broju slučajeva odbijaju dalje školovanje. Dolazi do velikih problema u njihovom odrastanju i ponovnoj socijalizaciji. Zbog nepoznavanja materije i svih problema koje ova tehnika sa sobom nosi, jedan mladi život i kvalitet tog življenja biva osuđen na agoniju i depresiju.“
5. „Preporučuje se Načelniku Općine da putem svojih saradnika i službi odmah stupi u kontakt sa Kantonalnim ministarstvom za rad, socijalnu politiku i izbjeglice i Ministarstvom za pravosuđe i upravu i zatraži da se hitno naloži Kantonalnoj administrativnoj službi PIO/MIO Zenica da riješi pitanje izdavanja uvjerenja o stažu i radnom iskustvu, a na način da se zahtjev sa dokazom o uplati propisane takse dostavi

Ispostavi prema mjestu stanovanja, a da Služba obezbijedi da se isti ili najkasnije naredni dan traženo uvjerenje može preuzeti u Ispostavi..“

Vijećnička pitanja

Vijećnik Huskić Kasim se izjasnio da nije zadovoljan u potpunosti sa odgovorom, od zadnje održane sjednice prošlo je 60 dana, a da li se može izdati dozvola za gradnju, da sli se primjenjuju uslovi iz dozvole i da li se primjenjuje okolinska dozvola nije dobio odgovor u potpunosti, zbog čega postavlja nova pitanja koja glase:

1. Da li je Općinski načelnik upoznat sa protestima mještana Potočana koji su se desili u prvoj polovici avgusta mjeseca ispred farme i šta je poduzeto da bi se udovoljilo potrebama građana za normalan život u naseljenom mjestu Mračaj i Pitočani?
2. Da li firma ili farma posjeduje dozvolu za odlaganje biološkog otpada u naseljenom mjestu Potočani?
3. Da li je načelnik općine upoznat sa nastavkom gradnje novih objekata farme u Potočanima, da li postoji dozvola za gradnju novih objekata i da li je općina Tešanj dala saglasnost na nastavak gradnje?
4. Da li se ovakvi objekti mogu graditi u predviđenim industrijskim zonama kao što je Bukva i Glinište? Da se ne ugrožava život i imovina ljudi u MZ Jelah naseljeno mjesto Potočani, Mračaj i šire?
5. Koja je po zakonu najmanja dozvoljena crta od planirane građevinske cijene u naseljenim mjestima za farme ove vrste?
6. Ko je odgovoran i da li će biti obnovljena putna infrastruktura u naseljenom mjestu Mračaj i Potočani zbog prevoza teških tereta za gradnju navedenih objekata, a ni do sada nije obnavljana?
7. MZ O.Planje je upoznala općinu početkom aprila mjeseca sa nastalim oštećenjima na igralištu u Huskićima, ko je odgovoran za sanaciju nastalih oštećenja i da li će se ista sanirati? Da li postoje određeni garantni rokovi za gradnju svih infrastrukturnih objekata koji se grade na području općine Tešanj?

Vijećnik Hodžić Enes je postavio vijećničko pitanje koje glasi: „Da li je došlo do naplate sredstava od izvođača radova Ulice „1.mart“ radi probijanja rokova završetka radova?“

- Općinski načelnik odgovorio da nije izvršena naplata nego je umanjen procenat za plaćanje koji je bio potvrđen od nadzora.. i bio je umanjen 3-5%. Po potrebi vijećnik može doći vidjeti tačne račune koliko je umanjeno za nepoštivanje rokova.

Vijećnik Kaser Vedran je postavio sljedeća vijećnička pitanja:

1. „Da li je inspektor za komunalne poslove reagovao na upite građana MZ Tešanjka vezano za most u centru naseljenog mjesta Tešanjka? “
2. „Ko je vlasnik katastarske parcele na kojoj je lociran parking, a nalazi se između stambeno-poslovnog objekta Musala i rijeke Tešanjke? “ – Općinski načelnik je odgovorio da nije nije dobro razumio to pitanje ali da nije problem da se daju ti podatci o vlasništvu.
3. „Da li se planira raditi nešto na povećanju kapaciteta vodovoda Kraševo, odnosno vodoizvorišta Kraševo? Da li je ovog ljeta bilo dopisa od MZ Kraševo kojim su reagovali na problem redukcije vode? “
4. Da li je defacto kamenolom koji se nalazi na lokaciji Vrata Tešnja 2 ima potrebnu dokumentaciju za rad? - Općinski načelnik je odgovorio da postoje dva i oba posjeduju dozvole za rad naročito onaj koji smo zvali Vrata 2 postoji dozvola Kantonalnog ministarstva i općina je upoznata sa tim, a s druge strane ako vas interesuje gradnja objekta s druge strane, nažalost desilo se da postoji dozvola Direkcije cesta za priključak na Regionalnu cestu za objekat koji je tamo u gradnji. To sam lično provjerio.

Vijećnik Elvir Pilav je postavio sljedeća vijećnička pitanja:

1. „Da li je prilikom prodaje zemljišta u MZ Rosulje (parcela koja je Odlukom OV Tešanj izgubila status javnog dobra put po zahtjevu Mišković Nikole) ispoštovana zakonom propisana procedura i da li se obaviještavaju svi zainteresovani za kupovinu navedenog zemljišta, i da li je prilikom prodaje vođeno računa o sigurnosti postojećih objekata koji graniče sa navedenom parcelom? “
2. „Kada se planiraju početi radovi na izgradnji parking prostora mezarja „SOLE“ u MZ Piljužići? “

Vijećnik Alić Hajrudin je postavio vijećničko pitanje koje glasi: „Zašto ste dozvolili nezakonito trošenje novčanih sredstava u ovoj i u prošloj godini prikupljenih za utrošenu vodu? “

Vijećnik Kurtić Amir je postavio vijećničko pitanje koje glasi:

„Da li je policija poduzela mjere po incidentu koji se desio ispred diskoteke Arena u Jelahu?

Kolko je bilo narušavanja JriM u periodu poslije 0 sati, u danima vikenda po godinama u 2015, 2016 i 2017 godini? Molim Vas da podatke dostavite po godinama? Ovo nam je potrebno zbog mogućeg preipitivanja odluke o Javnom redu i miru.

Pitanje za Dom zdravlja je koliko ima evidentiranih intervencija u hitnoj pomoći u istom periodu?“

Vijećnik Solo Fahir je postavio vijećničko pitanje koje glasi:

1. „Zbog čega već duži vremenski period ne radi rasvjeta na relaciji raskrsnica za Miljanovce do odvajanja puta za Bobare i Drinčiče ? “
2. Priključak na vodovod 40 domaćinstava MZ Kalošević MZ Bobare - mještane zanima da li da se priključe na vodovod Rad-a ili bazen Bobare-Drinčiči (Dobili su negativan odgovor od MZ). Općinski načelnik je odgovorio da bi bilo najbolje da se u pismenoj formi dostavi spisak mještana sa tačnim lokacijama kao bi se izvršila procjena priključaka, troškovi... i na osnovu toga će se riješiti to pitanje.

Vijećnik Hasanbašić Senad je s obzirom da se na području MZ Trepče i Medakovo izvode radovi priključka na vodovodnu mrežu postavio dva vijećnička pitanja:

1. Kojom dinamikom se izvode radovi priključaka i kad mještani mogu očekivati završetak radova i puštanje vode?
2. Da li postoji mogućnost priključka na vodovodnu mrežu učesnika koji su uplatili ali nemaju dokumentaciju koja je potrebna uz zahtjev? Općinski načelnik je odgovorio na sjednici (odgovor se nalazi poslije pitanja vijećnika Pašić Danijela).

Vijećnik Pašić Danijel je postavio sljedeće pitanje: „U kojoj fazi je izgradnja vodovoda Medakovo-Trepče, i kada se očekuje da vodovod bude pušten u funkciju? Napomenuo da odgovor traži u pismenoj formi.


Općinski načelnik je konstatovao da će odgovoriti na to pitanje i zamolio vijećnike da ne traže odgovor u pismenoj formi jer će kada dođe vrijeme za to biti dostavljena informacija u pismenoj formi. Početno ugovor za zajedničko finansiranje vodovoda Medakovo-Trepče u dvije MZ potpisalo 478 domaćinstava (151 Medakovo, 327 Trepče). Od njih 478 svoje finansijske obaveze je izvršilo 456 ili oko 95%. Oni koji su isplatili obaveze (njih 456) trebali su kompletirati zahtjeve za priključke. Do juče su 283 korisnika kompletirala zahtjeve za priključke. To je preko 63%. Ostalo je još 173 korisnika da to urade i radi se na tome da im pomognemo. Biće prilike kada ćemo svima predstaviti Izvještaj o realizaciji cijelog projekta, a sada možemo dati preliminarnu informaciju da će izgradnja vodovodnog sistema Medakovo-Trepče koštati oko 1.750.000 KM. U ukupnom iznosu građani sudjeluju sa oko 40% ili 695.000 KM, tj sa po 1500 KM po jednom priključku sa uračunatom taksom od po 200 KM. Zbog javnosti želimo reći da će jedan priključak košta oko 3.660 KM a da građani sudjeluju sa po 1.300 KM plus 200 KM taksa. Općina i Kanton po svakom priključku učestvuju sa 2.150 KM, tako da ljudi ne misle da neko zarađuje na priključcima. Ovi troškovi ne uključuju nalaženje nove vode ili novi bunar, jer nisu troškovi samo cijevi i rezervoari, valja odnekud dovesti vodu. Ovaj vodovodni sistem je prilično komplikovan, jer ima 5 rezervoara, jer će nekim dijelovima voda biti četiri puta pumpana a proći će od izvorišta do potrošača kroz **sedam rezervoara** da bi došla do korisnika. Započeli smo

ovaj projekat i ako Bog da on će biti završen uz podršku općine. JP Rad dd Tešanj trenutno izvodi radove na priključcima vodovod Medakovo Trepče, a AB-trans doo radi zemljane radove. Do sada je spojeno/priključeno ukupno 165 domaćinstava/korisnika (od ukupno 456) ili oko 35% ukupno planiranog broja. Radovi traju u sa dvije ekipe na terenu. Sedmično se napravi 20 do 30 priključaka. Nismo željeli puštati vodu u sistem dok se minimalno 50 % domaćinstava ne bude imalo priključak. Obavićemo konsultacije sa građevinskim odborom i u zadnjoj sedmici u oktobru će početi puštati dijelove sistema u probni rad a sami priključci će se nastaviti po ovoj dinamici. I na kraju naglasio da se nada da će mještani imati kvalitetno snabdijevanje vodom.

Nakon toga, predsjedavajući Vijeća se svima zahvalio na prisustvovanju današnjoj sjednici i zaključio rad jedanaeste sjednice Općinskog vijeća Tešanj u 17:36 h.

ZAPISNIČAR:

Sajda Klepić



PREDSJEDAVAJUĆI VIJEĆA
Senad N. Subašić, dipl.oec.

